

## **STERILIZACIJA – NAJNJEŽNIJI I NAJBEZBOLNIJI REZ**

U idealnom svijetu, svako štene bi imalo svoj dom i vlasnika da se o njemu brine.

Na žalost, ovo nije stvarnost. Bezbroy hiljada neželjenih i napuštenih štenaca i pasa se uništi svake godine.

Bez obzira na mjere predostrožnosti koje preduzmete, ukoliko se kuja nalazi u tjeranju, ona će onda uraditi sve da pobjegne i da prati svoje instinkte. Mužjaci će također dati sve od sebe da dođu u kontakt sa ženkom i nezgoda se desi!

Ukoliko vaš pas dobije štence, vi ste odgovorni za njegu, hranu i zdravlje štenadi, sve dok im ne pronađete novi dom i odgovornog vlasnika. Prosječno leglo broji 7 štenadi, mada neke kuje mogu ošteniti i 20! Tako da štenci nisu nimalo lak zadatak.

Napuštene skotne kuje i neželjeni štenci koji su bez doma će, ukoliko imaju sreće, dospijeti u azil za napuštene pse. Ipak, većina njih strada na ulici nakon kratkog vremena.

Kuje uglavnom ulaze u tjeranje dva puta godišnje. Tjeranje traje oko 3 nedjelje i za to vrijeme se dobro mora čuvati da ne dođe u kontakt sa mužjakom.

Čak i ukoliko je zatvorite u dvorište, biće gotovo nemoguće odbraniti se od lokalnih mužjaka. A ni njihovi vlasnici neće baš biti time zadovoljni!

Sterilizacija je danas rutinska operacija. Vaš pas će biti u opštoj anesteziji i najduži oporavak poslije operacije traje 10 dana. I ne postoji opravdani razlog zašto bi ste čekali da se kuja jednom oštene prije sterilizacije.

Sterilisana ženka nikada više neće biti frustriran zbog tjeranja ili patiti zbog lažne trudnoće. Također, ovim se smanjuje rizik od raka mlječne žlezde za 60-80% u kasnijem dobu, kao i rizik od piometre, gnojne upale materice. A vi kao vlasnik bićete oslobođeni mnogih briga i glavobolja.

Pas se neće previše udebljati ukoliko se razumno hrani i redovno izvodi u šetnje, mada često ne dolazi do povećanja apetita nakon operacije.

Ponašanje mužjaka se veoma mijenja kada osjete u blizini kuju u tjeranju. Pobjeće čim im se pruži prva prilika i tek nekoliko stvari ih može spriječiti da se pojave pred kujinom kućom, kao što su glavne raskrsnice, pruge ili ograde od bodljikave žice.

Jednom kada se upusti u romantičnu avanturu, vaš pas može uzrokovati ili i sam nastradati u saobraćajnoj nesreći- za šta ćete vi kao vlasnik biti odgovorni. Također se može upustiti u borbu sa drugim psima ili što je još gore odlutati i nikada se više ne vratiti kući.

Čak i ako uspijete da spriječite psa da ne bježi, biće veoma teško izaći na kraj sa njegovim zavijanjem, obilježavanjem teritorije, često destruktivnim ponašanjem. Znalo se desiti da pas iskoči kroz zatvoren prozor jer su prirodni instinkti prevagnuli nad razumom.



Kastracija mužjaka je još jedna rutinska operacija, koja ima više dobrih strana. Njome se sprečava da psi krenu u lutanje i potragu za ženskom, kao i mogućnost da pas postane agresivan. Uz razumnu ishranu i redovne šetnje neće doći do gojaznosti i oporavak od operacije će biti veoma brz.

Sterilizacija vašeg psa nije skup operativni zahvat kako možda mislite. Troškovi su mnogo niži nego u slučaju neželjenog graviditeta kuje i podizanja legla, kao i troškova koje biste platili ukoliko bi vaš pas stradao u saobraćajnoj nesreći tokom lutanja.

Ako nemate veoma jak razlog protiv sterilizacije vašeg psa, molimo vas da se posavjetujete sa veterinarom i sterilizujete vašeg psa. Ne samo zbog dobra samog psa, već ćete biti sigurni da i vaši štenci neće biti među hiljadama onih koji se bezpotrebno unište svake godine.

Sterilizacija je jedini način da se 100% spriječi novo potomstvo. Ukoliko se uzmu u obzir druge alternativne metode kontrole populacije pasa, sterilizacija stvarno predstavlja **najnježniji rez**.